

竹葉庵文集

竹葉庵文集原序

鹵征集序

同季張瘞銅舍人少與蔣心餘

士銓

編修其爲詩頗自

擲拾曰南海集者畢秋帆

沅

方伯刻於關中曰鹵征集者今予

刻於金陵凡皆游覽之作所謂以江山助其奇者舍人或數十
日不爲詩或十數日爲一卷詩其沈雄汗漫之什海內詩家是
與埒者多不過三五人心餘遺舍人詩曰道人有鄰道不孤友
君無異黃友蘇則心折可知已乾隆三十八年十月上元王友
亮序

熱河集序

昔嚴夫子有言經有五涉其四州有九游其八猶以軫轍所至
不踰白阜之封聽覽所及莫罄黃坤之域未足言登高能賦臨

川威流擣揆柔翰吟詠槁簡云爾亦有落梅驄馬迢遙隴上之
章低艸牛羊蔽勒軍中之句鏡歌白鼻樂府黃塵過青刳而怨
琵琶與白檀而思鞞鼓算不敝響風疎聯辭雲委然而悲笳九
月塞艸角衰橫笛三臺關柳先折羈寄之情長感槩之興短噍
殺之音多藻績之詞少也瘞銅先生負沈宋之才游常楊之職
紫荷奉囊紅藥當階曉趨月屏夕拜青瑣直鸞闈而崑牘對雞
樹而流唱固嘗倚馬七紙握蛇百篇人誦穆如之風在傳蔚爾
之文矣熱河者神爲界局地貳陪京里其道路旣遠百郡之外
奠其邑居仍當五都之勝國家陋甘泉於漢氏侈仁壽於隋
季以爲堯皇游豫作宮於成陽周王考卜朝步於豐水每中郢
履節清明告風乃睠北顧此焉清暑時則先生滿歲灌謁往觀
爰間考旦首涂兼辰戒道房雲在空箕風動衣天日姓晏宙宇

橫腹仰囑 宸居之麗俯察區陬之廓得不揄揚舞詠砥和煙
墨者乎若乃曾巘隱天長波帶地黃靈訪道之山翠嬌沈王之
渚先生極覽津委笏綜載牒徵鮑邱之湟流問濡水之舊瀆博
望之槎萬里披析崑源太沖之賦三都參稽方志是則縹囊一
詠卽注桑欽之經墨林五言可備闕駟之記且夫捎雲之簪半
柯自奇衝霜之松寸莖斯見讀是編者其可以闕先生之詩也
已時乾隆丙申秋九月曲阜孔廣森序

南歸集序

南歸集者張舍人

墳

奉其母櫬還吳作也詩五十六章爲一卷

大都表綴穆行補狀記所不詳者閒嘗讀書至馬班揚雲自序
而歎夫人子孫生一達人不如生一文人之爲愈也蓋達者所
以自致於親在封秩追崇之至闡懿行揚微烈貽親不朽之令

名則非其才罔任焉舍人爲故贈徵仕郎貞孝公子公嘗出爲
伯父西亭徵君後徵君舉康熙己未詞科總持吳中風雅舍人
守文之綸聞譽藉甚己丑通籍官中書辛卯迎太夫人侍甘旨
七季以疾捐館舍舍人居廬五月旣效張憑李觀狀記自爲之
矣復請大廷尉王公述庵銘之戴太史東原孔民部莊谷共表
之於是太夫人七十餘季微嫩舉天下士無不悉其梗槩者暨
丁酉秋中紉角南下關河陵緬露踐霜履一處所一物候一日
夕醵飯所爲棖彌其孩提之愛悽愴其愛慙之忱者旣非潑刻
大書所能縷悉而櫟挂噎咽不獲盡言又有若默導其言者憑
臆施手復得五千三百有二言洄洄乎洫洫乎三曲而倏不啻
娶媿之哭無常聲也禮經所謂人情之實而孝子之終事其庶
幾乎獨是舍人編季諸作卷離爲集集各有序此卷特鄭重誣

諉於予者豈予與舍人先後直西清迎親養亦以七季失怙
情事之舒慘有適相比備者耶顧予執親器以歸時方罹顛胸
之疾比失恃病益增心益瞋亂縷血爲狀後今六載矣精氣漸
復故而吾親生平遺緒終未一再表箸於人間也讀是編已悽
然攬筆始歎世之爲人子者不可不以文名焉抑已晚矣乾隆
戊戌仲秋江寧嚴長明

紅欄書屋擬樂府序

文章體裁至詞而極卑然其聲吻乃與三百篇濫魏樂府相近
聞者莫不以予言爲誕予旣不好詞亦未暇與辨也同郡張子
吟薌於詩古文外兼愛填詞久之而得其神理以謂體裁雖卑
而其道甚尊爰卽今調以上括古詩凡兩瀝六朝郊廟樂章饒
歌鼓吹諸作苟可以就我聲律無不移形換步妙合天然予讀

之終卷服其識之卓辭之工而又與予之所論符契喜曰是可爲填詞家一洗舊說之謬矣當詞之未興惟詩專行於世而其用枉歌歌有抗墜抑揚故文有長短申縮三百篇多四字爲句而其中自兩字至八字間出不拘濫五言詩已爲文人所作不盡可歌樂府篇章則無不參差其句字自近體興而詩家以五言七言爲正格長短之句靡施於歌行而古詩遺音乃獨畱於詞之一派作之者又以體別於詩競奉柳屯田爲正宗斥蘇玉局爲旁門於是詩與詞不可復合至若聲以韻諧使弟平與平叶仄與仄叶則是語無輕重聲無高下何以播之詠歌而風入耳昔顧亭林謂詩皆四聲通用予嘗攷諸兩濫亦無不然然則今詩之用韻又與古音相戾而詞則平上去三聲並叶入聲或獨用或分配三聲與唐古俱無以異弟歌學不傳又詩則文

成而聲應詞乃調設而文從以此彌分疆域使律以宗子之法
詞猶爲古詩之弱嫡近體乃古詩之彊支耳世人不尊詩而卑詞
以其樹骨也貴柔遣言也尚妍穠麗淫妖大雅不貴是故卑之
弗論今張子以興則之筆寫莊正之音非迂爲舊事翻新炫人
耳目已也其尊詞之故蓋慨然有復古之思矣讀者因張子之
詞而并及予序且得仍以予言爲誕哉吳江弟陸燿書

碧簫詞序

詞學備於宋而浙東鹵尤甚錢唐則張炎仇遠秀州則呂渭老
永嘉則盧祖皋四明則吳文英 國朝轡侍郎倦圃朱檢討竹
垞相與倚聲於長水一時名流從而和之兩越之詞聞於天下
張子商言移家於吳其先越人也工爲詞夫詞之爲道其辭微
其旨遠詩所難於達者假閨房兒女子之言長短其句而以委

曲通之準諸離騷二十五之義往往相合庠人之體製不可踰也一定之律呂不可混也宋代以來並推周柳蘇端明辛稼軒以浩氣行之姜白石以清才矯之別開面目風格故高然終非詞之本旨矣商言之詞穠而不膩鮮而不靡巧而不佻曲而不晦其長調亦閒入蘇辛諸公而裊回容與溫麗芊緜終歸周柳其天才使然與抑亦土風所遺也吾吳以詞鳴者尤檢討鹵堂後寥寥無聞商言以多情多才之人發而爲詞擅聲吳中吳之多情多才者復同聲而和他曰吳地名家亦繼兩浙而興起也商言其先聲也夫乾隆丙子五日顯於清曠樓長洲友人沈德潛稿士

盜青館悼亡詞自序

七季賢婦無有閒言千日京師遂成永訣所操井臼猶彷彿乎

幽貞每感閨闈恐乖違乎禮義此秦嘉贈婦文不害辭而潘岳
悼亡言不盡意者也若至俗端表暴荒謫時形寓目勤拳悽愴
過當則諒其達情非思以傳在審時鳥候蟲之多變不棄粃糠
憐內則女史之無慙或錫琬琰是有望於羣公實永矢夫大德
細君姓蔣氏諱明字慧珠予呼之爲樂安君曾祖文涵封戶部
山鹵清吏司郎中祖燾署辰州府知府父鳴玉國子監生同里
人生雍正乙卯暨乾隆庚辰享春秋二十有六

林屋詞自序

予十二歲詠初寒詞先君便賞之嗣是習爲詞二十季文壇諸
君謬推予爲能詞後又習爲詩習爲古文於是絕不作詞然積
二十季之久撰碧簫詞五卷沈文愨公序而刻之又撰春水詞
二卷榮寶詞十卷咨青館悼亡詞二卷紅欄書屋擬樂府二卷

大槩碧簫少作最不足存盜青履境慘毒詞旨哀傷當非正聲
榮寶其庶幾精華昭灼有噉然難掩者矣今季在關中眼痛經
旬志局雖忙不能纂書乃哀鄉作汰眉十之六七排爲七卷總
題曰林屋詞以紅欄單行已箸並是擬古之作不削入焉林屋
洞在太湖洞庭鹵山其地男女讓道無盜賊民風淳古它季歸
老擬結廬於斯矣憶予始初唱和迭侶里中有盛雲思曉心鉛
山有蔣心餘士銓曲阜有孔誦孟繼涵皆童年蚤慧詎無難事
盛之拗蓮詞蔣之聽秋詞今日銅孔之嘶冰詞皆未成集旣皆有
名於世寒暑易邁雲思先歸道山心餘誦孟齊脫朝籍浮湛鄉
里而予亦垂垂其老矣豈不可感也夫乾隆四十三季二月八

日吳張墳記

目錄

卷一 詩一

南海集上

古今體詩五十一首

卷二 詩一

南海集下

古今體詩四十二首

卷三 詩三

鹵征集

古今體詩六十六首

增詩一首

卷四 詩四

熱河集

古今體詩三十二首

熱河後集

古今體詩二十五首

卷五 詩五

鳳皇池上集一

古今體詩六十九首

卷六 詩六

鳳皇池上集二

古今體詩一百四首

卷七 詩七

鳳皇池上集三

古今體詩五十六首

卷八 詩八

鳳皇池上集四

古今體詩六十四首 增詩一首

卷九 詩九

鳳皇池上集五

古今體詩五十四首 增詩三首

卷十 詩十

鳳皇池上集六

古今體詩五十四首

卷十一 詩十一

鳳皇池上集七

古今體詩四十五首

卷十二 詩十二

鳳皇池上集八

古今體詩四十二首

卷十三 詩三

鳳皇池上集九

古今體詩四十三首

卷十四 詩十四

南歸集

古今體詩五十六首

卷十五 詩十五

渡渭集

古今體詩六十二首

卷十六 詩十六

祕閣集一

古今體詩七十二首

卷十七 詩十七

祕閣集二

古今體詩八十三首

卷十八 詩十八

祕閣集三

古今體詩五十八首

附詩三首

卷十九

詩十九

祕閣集四

古今體詩四十七首

卷二十

詩二十

乞假集上

古今體詩六十九首

卷二十一

詩二十一

乞假集下

古今體詩六十三首

卷二十二

詩二十二

賜研齋集上

古今體詩五十三首

卷二十三

詩二十三

賜研齋集中

古今體詩七十四首

卷二十四

詩二十四

賜研齋集下

古今體詩九十二首

卷二十五

詞一

紅欄書屋擬樂府上

長短令詞八十三首

卷二十六

詞二

紅欄書屋擬樂府下

長短令詞六十首

卷二十七

詞三

林屋詞一

長短令詞七十六首

卷二十八

詞四

林屋詞二

長短令詞七十首

卷二十九

詞五

林屋詞三

長短令詞三十首

卷三十

詞六

林屋詞四

長短令詞六十一首

卷三十一 詞七

林屋詞五

長短令詞六十九首

卷三十二 詞八

林屋詞六

長短令詞四十七首

卷三十三 詞九

林屋詞七

長短令詞三十八首

右詩斷自庚寅起

唐寅以所詩六十四首增卷六卷十亦在存詩之數

乙巳止存一千四

百七十六首詞斷自主戌起壬辰止存五百三十四

首

乾隆五十一年歲次丙午四月開雕十二月工竣

竹葉庵文集卷一

詩一

吳縣 張埴 商言

南海集上賈

露坐三首

溪橋散市欲黃昏
露坐船頭看水痕
初八蟾光無半夜
暗潮已長艸蟲根

水鳥雙雙宿淺沙
濠南濠北盡蘆花
夜潑人語松亭底
幾稜去聲湖田已熟瓜

天籟無聲夜景遲
葛巾不受野風吹
偶移螢火東鹵岸
似是星光落水湄

錢唐達常山雜詩十二首

衣錦江山入畫圖
風雲鐵弩歟潮枯
一從龍氣歸天目
陌上花

開牛有無

羅隱江東書記才幕中長揖未嫌猜如何殺一吳仁璧麤學當
率黃祖來

布衣也得動星辰一路溪山入富春江上鱸魚誰釣去先生原
是漢朝人

方鄴能分石壁開中腰多是白雲堆盡脣踏上山松樹墜落巖
頭樵斧來

仙人采藥此閒聞欲買峯頭一片雲白石細添江水鬻茶鑪收
拾待桐君

爲愛看山趁晚晴碧天如乳露長庚一聲風笛秋江上幾個鷺
鷺臥月明

連邨修竹傍陂陀竹外清風障女蘿不避溪喧開水碓稻花香

裏艸亭多

山船女兒多養豬梳毛亦用玳瑁梳來朝阿父賣豬去翠睂不
盡悲何如

地清人識長官清幾个山樓卽縣城日暮空灘芳艸綠一鎭秋
水鬻江聲

夕陽明滅艸堂偏屋上青山屋下田浴過溪牛沙路靜一枝橘
樹靠秋煙

煙波誰作弄珠游采采芙蓉未晚秋新婦巖岸頻指點落霞紅
襯美人肩

波不藏鱗石見根江離一尺翠能吞天風浩浩吹荒瀨兩岸岸
朝篙齒痕

。九姓船

九姓船多美人美人多盡燕支脣脣上燕支江上水似蹴波中
桃片起不看燕支解看人一色錦帆橫十里有客販茶去荊州
相逢舉袂半含羞郎不愛財如糞土親插金釵爲上頭與郎同
宿秋江上沈沈畫燭三絃響十五團團見月華人如月面月如
花常得香痕畱玉臂願將風信滯銀槎人愛行路急妾愛行路
遲長繩繫白日日日奉恩私聞道販茶火伴至寄書說是荊州
使郎有同牢結髮人朝春暮汲劇艱辛嫁箱提上街頭鬻尚負
官錢數百緡夫不歸妻何依妻自瘵夫自肥嫁夫暮嫁販茶客
愁水愁風傷鳧鳧雇船募雇九姓船有花有酒遇神仙是神仙
未必眞黃者金白者銀結髮同牢情似紙金釵從未上烏雲

金雞嶺

斜下金雞嶺石龕支小廟云祀樟樹神涕唾遠不到小驗事吉

凶大占年豐耗枝葉放十丈風雲靈萬竅兒童亦娛戲夜半亂
呼譟神數其淞潮引罪致清醮邨巫僂曉來燐雞雞不叫紙錢
天上飛酒餅地下倒掀尋致一詞妖覺人自召王侯祀嶽瀆士
庶祭門竈爾神廁末座猥瑣萬鬼咲桃人芻狗崇興廢各有報
不如挂腰斧拉雜付野燒

玉山縣江樓

清光已到地素娥仍在天思鄉見皓魄一度江樓圓玉山石礪
礪冰溪水濺濺人生無百歲閱歷皆可憐秋蟲小吸露浦鳥時
衝煙誰家明荻火猶有夜歸船

鉛山縣二首

讀書各有得不必求苟同兩存其是處嶽嶽開心胷所謂明辨
之良友不可蒙而何朱陸後門下士洵洵當面盡鴻溝畔道生

盤叢直以聖賢業塋入思讎中誰不祖孔孟鄉背恐未公不見
鰲湖山書院盈數弓巖角桃李樹歲歲常芳穠南枝與北枝總
是對東風

吾友蔣心餘籍爲鉛山人十季困翰林妻子無完帑怡然謝簪
笏高尚誰可隣葛洪慣移宅孔奮齷齪親所悲故鄉遠貧極難
安身今人教子孫好官無嫌貧官好不能歸何以奉邱墳

松樹灘

下積千季灘上積千季松松老化爲石沈作水底峯水石向地
鬬相撞如洪鐘人言松樹精形體近似龍龍性駛蕩湧波浪無
春冬嗚呼有松亦有灘無松亦有灘請君莫怨松樹惡鑿得灘
平易往還

桃花灘

遠游令人瘦此語悲無涯風高石路滑紆逼角人譁民船讓官
船船正旗角斜行行過灘歇野興俾魚蝦長餅貯秋水古岸踏
紅霞紅霞飛上樹何處不桃花

貴溪縣

我入貴溪路磐石見城郭城南開福地秀極饒洞壑張氏道陵
者廬是燒月藥石鼎生微煙松根下元鶴月成人已去海內久
寂寞道假神鬼著功視聖賢薄子孫傳數葉遺蔭得官齋晉階
極一品不自知引卻三季奉朝請道觀濫托腳吾

皇崇黜陟諭令鐫級落無踰三四品抑爾飣薰灼雨暘天地德
德仁壽乾坤橐爾亦何能爲先人之糟粕緬彼五千言青牛入
寥廓

九鳥灘

九鳥灘空連百步黃蘆苦竹紛無數其日天暗無晴雲兩岸小山吐昏霧一鳥頭一鳥尾南北東鹵石齒齒一鳥去一鳥來流波不斷生青苔君不見堯時陽鳥共有十彈落其九存其一一鳥上天無其匹九鳥入地不敢出陡生此灘當路駟至今江上向人鳴伊伊啞啞達五夏泥塗霄溼盡如此鳴咽人閒九鳥聲

彭蠡湖風泊

人事多喧闐入舟稍靜攝行行次鄱陽湖水淺容楫俄焉生長風波瀾怒有挾一風吹三日人命蕩於葉近留康郎根遠吼浮梁堞魚龍扇顛倒沙土失寧帖嗟哉冒垂堂向此心膽惴溼雨不開窗陰寒欲披氎篷背樹枯竹嚶然風竅接衾枕不遑寐中夜看行篋來朝霽色與霜髮亂盈鐻

滕王閣

滕王閣以文章傳淋漓刻畫高星躔三王一韓相間作突兀時
運使之然子安一序尤爛熟童蒙句讀分月鉛閣中作序蕭序
事落筆不爲元嬰先元嬰政虐當開國詞人忠厚且諱焉先皇
龍種莽蕭瑟妙將隱諷爲終篇馬當風送七百里著居樓上如
神仙一手獨持鞠花酒一手健擘桃花箋字有酒痕半欹側珠
鐙錯落金鑪煙美人簫管未終奏捧出長卷吟江天王謝子弟
有如此下視吳郎那值錢胡爲偃蹇不稱意賦述哀怨心悁悁
人旣不能順其性天之所以天其季長沙才子應珍重賦鵬懷
湘極可憐

豐城縣

豐城雙古劍寶氣橫天長雷氏賢弟兄掘地相扶將寄言世上
人至美無終藏鉛刀不知恥而欲齒步光婦女唾棄之何況奉

尚方

峽江縣

縣城此荒迴旅泊良可哀山顰自南東江聲臨北開野人伐苦
竹落日銜曾臺秋風滿石壁天濤清無埃酌酒看鴻雁憐渠同
我來

宋文丞相墓

公若不外名不足三季卒成柴市獄卽祖不必殺丞相皇天以
公結宋局公視外生如脫屣天地無情長已矣孤舟不載趙乾
坤香在鑪中哭聲起四望神州灑淚時南來士女半披緇有弟
肯持蘇武節無家空擬杜陵詩它日歸葬廬陵路壘石塋門禿
狐兔玉魚金甃出人閒淒涼別有冬青樹

花石潭

戴土三五石壁立潭鏡曉石氣秋骨青鮮若翡翠鳥平山宏小
屋鄉背隨意造土人不種之用切作種者非是花有樹卽爲好屋後數株楠
可入畫家彙

皇恐灘

八卦有坎艮乾坤亦遯苦陰厓墮黃泉千劫那攬取變相羅刹
惡得甄跳擲舞水涸露頭面漸次及尻股當其一出在萬人汗
被雨我來秋八月放溜沒長艣四周水濊異泛泛良無阻險夷
本心造安危感天輔長季拜船頭風正一帆午

縣繩灘

以水爲長繩灘如繩上結繩頭繫心坎那綈波浪掣四山徧茶
樹綠蔭渺娟潔中著種茶人艸屋勉補綴花開子入臼詎慮生
事拙哀此行旅者天涯走跛蹙險極灘上水耗極心上血作計

臥窮廬瀟灑服清節

五座灘

人言五嶽地上尊指畫郡縣分乾坤五座灘形如五嶽錯落中
央周四角山不成山不可尋沈埋泉窟千季湮奮然出水三五
尺迴角避之不爲戾爾其奈此行路客

黃金洲

秋艸沒野渡日淡黃金洲水鳥具靜態腳踏煙波浮不知何所
驚又飛十步聞人語尋巖際風力迴沙頭豁然帆翹盡一落空
山樓

涼灘

萬水注一壑汗漫恐不久如何亘古今崢嶸地軸厚涼氣撼齒
顚孤蹤望北斗林迴野霧興厓破暗泉走吹鐙然客廨今夜宿

涼口

石人壩

蒼蒼涼涼日膠膠
矻矻雞披衣帶曙色
寸寸皆惡溪一級復一級
船兀升天梯石門開水匱中漱太古泥
玉龍破空出搏弄青
後視哀愍迭役苦邪許聲高低
世事費摩耗譴計還幽栖道上
石人壽閱盡路東鹵

九腳灘

靠船山下壁纜高人步
迴離堆閒道生中流不可入
石甌儼置綦遠近百數十
秦漢之殘局到今未收拾
吾想雨氣行一蘇江
頭蜚慢作石燕翔格鬪實
奇特如何被隕落九腳空
駢立不及魚腹陣風雲護
原隰

天柱灘

一山戴六鼃古昔天柱高墻落此卑溼場陷誰能操精悍賽暗
鐵凌亂當秋濤長風吹浩浩白日橫滔滔江水漂不動讓汝結
構牢路紆紆覺短衙尾積數艘不敢當路過彎背行弓弣蒼頭
上岸去市福酬香醪

鼃灘

古人治水者入水爲黃能爾惟多一足放廢成不才屈陷沒泥
滓萬紀良苦哀鼃老性馴熟弗致行旅災樓船日夕下腰殼生
曾臺縮頸不一動受茲人喧庀千篙挂一鼃背癢長爪來譴守
靈龜息伏地聽春雷

高車壩雨泊

南康之水常多灣南安之水常多灘淹留五日方得達胷膈痞
塞爲減餐朝來鳴鳩上慈竹炎瘴拂拂搖湘紉山頭出雲南風

暴野花倒壓溪中瀾山耶雲耶不可辨天地作去聲一玻瓈盤雲
自上天山不去雨已到地雲不完下承大壑上巨壁巖瀑挂
榕葉端夕陽艣外露峯背酌酒對飲江聲寬大樹小樹吐奇綠
艸亭惜欠朱闌干人世波濤置不理如此晴雨儘大觀

山邨

絕好山邨薜荔牆煙波漠漠樹蒼蒼稻花香氣通流水牛背光
陰在夕陽十里雲峯如畫障一季秋景倚糟牀此閒合與忘機
客視鋪扶犁上艸堂

大庾縣江樓邑令餽酒

咲似東坡嶺外游黑甜軟飽破除休烏程酒到人吹笛槿樹花
開月上樓沙市遠爭山下兔竹橋平架水中鷗今宵猶是中華
客未在天南地盡頭

大庾嶺

人傳玉門曾送別馬後桃花馬背雪亦傳庾嶺人去來南枝花
落北枝開不信炎涼分寸地火鼠冰蠶如此異志諧狀誕不盡
然文人好事枕中記我來度嶺八月中旭日厭畏扶桑紅回看
江南若沙漠秋冷可挂天山弓嘻哉燭熱經行此少皞恢炱無
定紀南海珠船謫使風長載火雲蒸岸起我尚僂直金鑾榮
未歎饑寒心不平何況昔賢遷謫侶寄寓窮荒託外生遠祖文
獻鑿此嶺補造天地令完整子孫孱弱不足言人昇人扶上高
頂

嶺梅

螺磴千曾閱九盤驛中誰爲倚闌干地無冰雪花能冷天近風
雷樹不殘一路帛書山北盡十分香國海南寬劇憐未遇開時

節在瓊姿得飽看

嶺驛皆梅舊楊曰梅花國

觀音巖僧庵

上無一尺地屋極巖洞頭下無一尺地腳踏江水流僧雛頗白
哲嵌作石桺猴風雨不能到乾坤何所求時時佛香清吹出山
縫樓道路近暫溪容試一勺不

滇陽峽

峽行畏中斷大石橫蒼天此石若久塞天地謂無權訇然峯脇
開鬱氣舒雲煙各分一岸山山頭倒壓船野花如紫薇吹隕頗
紅鮮下落數十尺樹罨花絲纏老猿踏枝動飄墮仍如片漁郎
下舉網花枉魚口邊直視上霄漢崩逕皆奇緣我非雲中君何
以升曾巔

香鑪峽

香鑪高稍殺鼎足樹跗萼螺轉無盡藏屏開儼包絡石泉迸空
走水氣過日腳山擁青芙蓉瀑垂銀落索潺潺不及地中路又
被攫有石十數枚遮要入他壑好峯好四面人見非全粵南北
眼力到東鹵旋失卻讀書但半卷不可謂領略急圖十洲形蚤
申五嶽約

大廟峽

巖壑分陰陽闔闢元氣受大廟莽疏豁諸峯開戶牖江水盈四
貫不在一門走下椒石益銳稍稍遠豐阜恰如長去聲長平聲翮以
傳峽左右傳聞定鼎初此地集戎醜花山鐵山賊龍艇出甬後
一艇二十槳圖陣八風吼滇陽亦有賊會於連州口長技用砂
砲殪人十必九吁嗟我蒼生荼毒在申酉積寇數十載出沒半
林藪及今際泰康子弟無指嗾班亂皆龍蛇時清但缺畝兵防

慎勿弛連絡若臂手

清遠峽

蠻方鍾綺縟見之山水異二禺峙南北北禺爲角倚南禺秀著
名上著飛來寺瑤臺花木渼洞天神鬼祕帝子今渺茫毛女肯
游戲東坡文字禪雲霞燦才思詩與賈耘老封顯峽中寄長時
公初來嗚咽雜怨懟自咲讀書苦兒生帶經比數載公南歸追
餞亦此地黃洞吳復古何崇道李公彌林子中諸人舉旻誰長年筋力道路棄生嗤槿花
榮歟眠韭葉萎時來繪麒麟運去老魑魅彷彿昌黎悲撚須存
瀧吏

黃巢磯二首

晚峯歷歷翠橫陳鷄靜催潮月一輪今夜黃巢磯下宿秋鐙榕
樹海南人

羣山萬壑峽門通一路沿洄地輒窮小杜無心詩宛合人歌人
哭水聲中

滇陽下上數百里內人挽篙淒號如哭鄉夜尤不可聞

竹葉庵文集卷一

竹葉庵文集卷二

詩二

吳縣 張埧 商言

南海集下

庚寅

廣州三首

鷓鴣鳥司南紀蒼茫海國閒虎門當絕徼龍戶界諸蠻氣類無藏
蟹精華不受閑願爲擎歛計衣食到憚鰥
形勝誰推步襟連嶺外州鼈光紅日湧蜃氣白雲流海鬼拖長
屍楓人割半瘤回看北斗遠風土入炎洲
越王歌舞地陟歷望斜岡人倚檳榔艇花開牡蠣牆蚤春晴試
萬午夜昵聞香一帶珠簾影風流未渺茫

光孝寺二首

千古河山兩荒宅肯楊孚與後虞翻外人地界無爭處近在僧

牆野菜根

貫休羅漢訶林在墨寶千季欲擅場頭陀埽地蜜蠶午好趁秋晴曬盡囊

古跡五首

越國高臺風日殊臺角孔翠與明珠作書易報漢皇帝置酒能殲陸大夫鹵北浮雲雙闕在東南積水九州無老佗控制真全力中葉兒曹計總蠲

海水東流去不回鹵屠銅柱鬱崔嵬樓船下瀨將軍健薏苡還朝百姓哀漢薄功臣無重賞天安中國有奇才木棉花發祠堂路蠻女妖嬈奠酒來

半壁東南五十載降王繫組被生擒造洲在說千季藥涂塔虛糜三品金官使宴游清夜永貴人歌舞落花溪宋師自入彬州

路沈口冤魂海底沈

海邊人指宋行宮輦步荒荒夕照中
落花開畱卅字

名果路南

路北長

上聲東風名

孤存趙武三良在島接田橫一哭同太息陳

橋兵變日不能寄託似諸公

二鳳起家皆市井乾坤碧血海門浮風雲奇氣橫軍稍涕淚餘

生入釣舟零落國錫隨汗簡指揮亡命築糟邱酒星縣在勤王

纛此亦酩酊弟一流

伍鳳姚鳳皆東莞人皆好酒起兵應文天祥伍鳳稍敵國急以銅槃爲蔽飲酒訖陷敵陣盡力盡被縛元將黃莊雄欲降之

伍大鳳躍起縛盡絕左右趨殺之姚謂泗水號水犀頭將軍兵敗得免歸操用捕魚海上元將張宏範遣使招之姚呼酒大醉哭三日歾今二鳳正史失載予特詠之埭之古跡之末

。珠池曲

海上之珠圓似月月易鹵沈珠易沒月午周天一度來珠荒入
地千季歇采珠常用白艚船珠耙珠網珠刀連說是珠池在合
浦瓊州廉州百姓苦一上珠船判渺茫能見妻孥十四五大風

飛揚吹海屋野人疑疑喫人肉腳踏鯨魚入島門珠船見之不
敢哭珠船珠船爾奈何上天下地皆風波明珠雖貴人不賤以
寶奪命傷心多君不見武宗珠池設少監東南元氣珠池陷天
遣珠池珠盡外邦國之珍豈在此

花田曲

花田南頭葬美人美人魂魄花冢身昌華苑毀藥洲廢珠襦甲
帳皆灰塵畱得燕支一尺土突兀人間作花圃美人小字號素
馨重臺三臺花樣成日色正紅花正白四五十里花光明花光
在樹不在樹無花之處尤從橫好花不香非好花花田香氣到
人家日日海風吹不散團來香雪淨無瑕舊事誰曾試雙陸宮
中行樂不獨宿無分化爲連理枝有心結就相思木種花老人
多白頭常挑花擔入城樓城中買花人盡少幾度帶花人已老

美人亦是帶花者今日長暝古剎下

蛋人謠

蛋人苦朝會魚暮會蝦蜆涌鯉塘船作家朝會蝦暮會魚魚皮
蝦殼不可縫衣襦蛋人苦有父母有妻子父母白髮垂耳父母
中坐妻子旁坐烹魚作飯自吹火遠祖不知誰枯槎無歲期天
地命爲人不爲鱗介波濤中間生我將何爲蛋人苦生入水外
登陸掘地裸葬山之麓生受海風海霧糜肌肉外得中華尺土
掩蓋彊似屋蛋人苦不能爲盜與賊不能爲魚與蝦魚蝦不上
網魚蝦之樂樂無涯盜賊獐獐豸大常咲蛋人守窮餓

盧亭謠

李林甫牛秦檜狗後人臆說重其醜豈知盧循子孫爲盧亭其
人變化離人形屍垂一二寸牝牡魚鼈腥見人輒羞怖多遁幽

泉扃循本叛晉賊有玷王父中郎名鳩妻殺子不盡絕或泛海
島逃其生輪迴人畜眼肯見可憐苗裔遭天刑凡爲臣子二心
者蒼蒼在上目視耳能聽君不見伏波馬流居象郡語言衣服
中華近又不見淮陰半姓存韋氏鐵券功成書一紙淮陰不受
蒯生歎千禩沈寃鐘室悲彼哉蕭相國殺其身匿其兒如此友
朋亦大奇

雷震一牛策其腹曰李林甫後身此見說部秦檜墓在杭州郡城西北枸莊今人呼曰狗葬

東莞女兒香歌

東莞人家有香戶門後門甫種香樹樹下女兒一搦腰手扶香
樹不勝嬌鎖扇領巾同一束爲愛收香忙碌碌閨中還步送斜
陽新月蛾眉照佛桑寶鴨溫磨銀葉火試香看月當窗坐玉眞
降得夜魂虛心字篆成春寢裏一半封攜入鏡奩紅絲襯合自
顚籤一兩五銖分甲乙清似芝蘭甜似蜜似蘭似蜜難久藏十

家香戶九家荒金桔嶺頭半枯外石茶園內少芬芳女兒父母
多歎息縣裏香租完不得拆合開封上市來還租還仗女兒力
可憐香戶最苦辛明歲女兒要嫁人

增城女兒葛歌

增城之葛天下聞女兒出手精無倫卷來兩丈不半握五銖制
造同仙人女兒長成十三四朝織暮織無心事女兒長成十六
七一梭兩梭理巾櫛阿妹咲嫌阿姊遲十日何曾完一匹裁郎
衣袴稱體空踈雲漏月未爲奇春晚紅棉吹作絮已顛卻扇會
佳期郎身如芙蓉不隔衫一重芙蓉畏風信涼氣正當曾郎算
貪涼多錯悞機盡爲郎織羸布

雲封寺謁先文獻公祠

賢相唐中葉多虛枋國功台階纔執政使節又元戎直道存金

鑑孤臣誓赤衷眼甫秋扇感事後太牢崇茲地重墉峻先人建
業隆山鰲隨手斷地肺及時通旅客天雞曉祠堂海日紅珊瑚
迎寶藏孔雀占花叢沃壤郊圻外蠻煙指顧中蒼茫殘衲在遺
像諧褒忠

宿皇恐灘

日暮到皇恐野煙蔽林木角人不敢下還傷皇恐宿孤枕橫波
濤一鎧棲雁驚宵中殺羣籟大聲翻陵谷嗟哉地一隅承此水
萬斛緩聲如受杵急聲如注鏃忽積千萬聲并作一聲蹙岌岌
散斗杓荒荒窮江麓大飢極傾側不能一寸蓄成形高與下九
州辨四瀆民物得靜正乾樞領坤軸生盛則爲殺關捩要避蹴
境凡反常者皆有歟禍伏高人俯虛空下士嬰顛覆見小以喻
大理豈權著卜

始興江口

巖洞清幽百艸肥始興江口鷓鴣飛白雲低到江頭岸船在雲
中雨溼衣

彭蠡看晚鳥歌

九月彭蠡積水枯天空地闊荒菰蒲百里之內大鶩鳥一鳥牽
引八九雛千千萬萬飛入湖毛羽不潔糞自汙小魚半大亡命
遭沙窮水盡卒受俘鳥鶩利於金鑊鐸腳踏魚屍以待餽徧掀
土塊低頭顧餘蚶贍蜆皆何辜破殼出肉市上屠萬命希有一
命蘇其時陰暗日下哺羣鳥思歸接翼呼先有數鳥爲先驅三
點五點星辰孤莽然萬鳥氣概竊摩天欲遮雲漢圖次第勻整
旋轉轡御風聞闔聊嬉娛觀者正愁眼力無誰令一側不可扶
削落百丈將泥塗翻身又上非甬模零碎飛揚八陣徂東鹵南

北趁其途一二在後似病痛某收殘子人難摹仰視蒼蒼理厚
誣鸚鵡孔雀閉在笄網羅弗及大驚達生此貪婪何爲乎

彭蠡二詠二首

刈艸

刈艸算傷根根在明年生刈得十畝艸代得一人耕

打魚

竭澤不足貴道必存贏餘人多網愈闊年來無大魚

江畔芙蓉

江畔芙蓉麗錦霞開來荒瘠野人家老翁背立水東岸無米如
何能看花

水碓

高下海一坎導揚開門戶人事重遏防地勢益軒舞我行章貢

閒漫受水碓苦豪家負巖石植立逼江汧塹水三四里水口安碓柱龜坼風中輪鴉翻地底弩對岸踵成之繚曲如環堵中流聲暴吼大震雷門鼓水又越塹出歎欲縛怒虎船石作摩戛劣崩寡尺土船破石常在率率病商賈吾聞天地巧人不可盡取圖逸則生淫服勞乃避侮市廛失業者賃舂寄於廡稍稍博錢刀衣食詎無補胡爲貪穢疾毒人比中蠱作詩告守令算伴習顰瞽火以咸陽威椎之力士武石崇罷此產魏舒卻其雇畱巧還天地滔滔安終古有力足自給毋使樹怨府

嚴先生祠堂

爲官當爲執金吾先生不拜諫議稱大夫娶妻當如陰麗華先生得一梅福之女亦可誇金吾未爲爲天子麗華立后郭后外光武先生雖故人方鑿圓柄難與同終始不如歸老富春山萬

古清風獨往還釣臺不高儼磐石雲臺諸將無力能躋攀古無
天子同臥者唐有李泌差似也轅門白袍被官職病中卒歟李
輔國先生落落青雲高劫火神仙不受燒今夕客星人盡識誰
將別庶祀牛牢

李輔國視泌疾輔國體肥重壓泌泌氣閉遂絕此見鄴侯外傳與正史異

錢唐江大風

錢唐江上看明月明月吞吐鹵湖口山開晴景失煙霧水汜流
光裏星斗踏歌高興小海唱此月此江何處有乾坤怪變只須
臾禍伏青蘋土囊後我纔舉頭驗風起風之勢緊月亦抖黑雲
先見四五堆傷門外門八陣守彌天麟躡蚩尤翻動地谿呀飛
廉吼羊角齷齪利於刀鬼頭團團大如臼桂宮仙子閉瓊戶不
鄉風雲置可不我船下楸不下碇船背恩膠淤泥厚定水神鐵
顧渺茫渡河大瓠肯擔負宵中歎息比垂堂風定烏鴉滿江走

烏鴉船名賊船也

。烏鴉船

江上烏鴉船其船皆賊耳有觸手不搖腳踏銳無比船長八九尺艙門絕猥鄙火伴一二輩瘠瘠如乾肺客多不敢載客孤揆行李居恒無幫行散泊向江渚不爲待渡者專心遲風水錢唐逼海門月黑波浪起漂溺甄皇急黃泉隣尺咫此船候時出獐獐羣惡鬼千呼一不應狼狽作奸宄臨風一嘯集亂篙顛覆指眞成踏浪兒乃操殺人技箱篋溼淋漓儘攪入船裏不祝生人生重祝生人歎吁嗟具人性豺虎毒至此此船杭州多縣亘桐廬止黃馘千數人長路二百里駢首戮怪慘立法謀慎始烙之以火印編之以船市領之以小甲江岸行旅使某船載某估朔望結投匭馴其劫掠心得其飽煖理太平厚風俗權在守令矣

鹵湖

青驄油壁昔人游
桂子荷花兩岸愁
江曲不添南渡淚
山高遮得北盟羞
上皇壽酒無多日
宰相寒蟲響暮秋
看到簽名書謝氏
偏安原爲子孫憂

岳鄂王墓二首

漢家誰是中興才
半壁江山絕可哀
父老爭傳三字酷
君王不喜兩宮回
中原將校同星散
沙漠金繒似土堆
此恨緜緜今古極
墓門碧血碧於苔

山色湖光涕淚中
當時艸艸殺元戎
武臣身歿文臣咲
南鄉枝榮北鄉空
藥不能嘗許世子
國何曾復晉文公
居然高廟神堯據
此事難欺三尺童

于忠肅公墓

鷓鴣江上趁秋晴
墳艸芊芊霜裏榮
卻敵在知崇國體
易儲公
豈背人情一時碁局分
新舊半夜天文悟
外生值得橫
歔歔市口可憐
恩怨與誰爭

林處士墓

湖上風光憶蚤春
暗香疎影句通神
已埋白骨到今日
自有梅花只此人
訓姪文章成進士
諱時封禪是遺民
買田買宅孤山下
欲與先生更買隣

丁仙閣

黃冠艸履有神仙
絕壁巖峩寄此椽
夫婦比肩同入道
江山如畫好
譚元重尋城郭寒灰外
別露樓臺夕照邊
人在歡娛原一瞬
可能多著蔡絳鞭

小有天園家人卦石刻

此地啟闢誰主人太平湖上多遺民移家雞犬避俗事繙書筆
札供良辰摩娑嶺頭一片石升降上下猿猱頻大書淡刻二百
字無斲古訓敦彝倫長舌凌厲昔有戒黑心顛倒今難馴聖人
作卦象風火火未吐燄風生輪婦德不終女禍烈家庭一煽成
灰塵摩崖榜眎千百禩似隸非隸追周秦君實歎顛不足信晉
唐魄力尊天神園中仕女踏春去可憐玉面燕支脣花圃藥闌
開翠幄鐙球月舫飄紅巾不如索靖三日讀夫夫婦婦偕書紳

玉泉觀魚

方池橫半畝修鱗藏百个水活比湏乳地小若轉磨游人春夏
多餌之賽奇貨一日二日飽十日五日餓幸逃網罟密肯羨江
湖大不見海上鼇天風吹鬣破

雷峯塔

陶者以火成成輒必受災不聞輒旣成燒之不開坼一枚聯二三枚積萬千百成此一大陶劫火帶古赤魯班失鏟削胡寬眉涂澤渾沌閱今古有闕而無闕春夏野樹長倒挂數尺當有鳥雀銜生理畱閒隙以土造其胚以火定其魄以金銳其形以水升其液海上野樹枝以木疎其脈一壽獨鞏固五行相搏撓小儒不解事錯比神仙迹神仙縱能構皮骨久枯腊

淨慈寺山門石鼎識曰至治二年八月廿九日成

荷花桂子屯昇平一任香煙寶鼎清指畫寒灰殘劫在銅人石馬訂長生

花神廟

紅紫芳菲十二辰湖山風月爲傳神李郎眷屬全家在可有殘碑墮淚人

晚入錢唐門二首

江岸昏煙上麗譙萬家燈火送良宵
錢唐鼓角今何似子子孫孫半寂寥

海寧傳說賽公塘

塘在海寧傳是錢鏐子婦所築

何似江頭鐵弩疆浪滾波掀俱未

了沿街和尚唱還鄉

龍井茶

今日金沙江上望芙蓉萬朵頰秋霜
分攜龍井不多器此是山僧爲我藏

自顓南海集後

過夏何能食荔支卷中惆悵未顓之水程第一關風俗九姓烏鴉兩首詩

竹葉庵文集卷二

竹葉庵文集卷三

詩三

吳縣 張埏 商言

鹵征集

壬辰

樓桑邨

樓桑復樓桑童童五丈長桑下大耳兒織席招風涼此桑爲汝
生略同蕭氏彊一領豫州牧再拜漢中王卷圖定鹵蜀顧盼增
榮光趙雲曾有言田宅毋求良當須天下定各反桑梓鄉如何
不伐魏伐吳以自戕人生若艸木衰落詎可量不如司馬微采
葉上樹忙哀哉八百株無命生南陽

督亢陂

燕丹宴荆軻置酒華陽臺殺一彈琴妓玉手金盤堆貢秦督亢
圖郡縣爲秦媒圖窮見匕首甲士驚喧應遇一彈琴妓舞腹春

風開彈成羅縠曲英雄化灰卽此言果報疾應如轟雷今過
督亢陂燕秦安在哉丈夫任意氣要領伏禍胎金彈與馬肝羈
縻良可哀眼肖好女子漏月眞奇才

泉脈

南來已有水田租泉脈甘香竹火鑪一路石梁流不斷白花開
徧野茨菇

曉發定州

廿載勞薪慣多悲道路勤秋蟲喧子夜宿霧化朝雲艸木叢臺
近川原澗水分客星憔悴極鄉社憶榆枌

雪浪石

宋時薦紳愛石供盆几歎列山玲瓏一卷孤分上黨執孕結太
始蕪春冬當季載酒招丞倅一詩一石因蘇公公頻游賞不曠

職首議軍政驚兒童社飯數傳時運改三鎮割裂如飛蓬此石
亦陷北敵中偃蹇骨立居牆東礪角卹牛撥不動連天兵火燒
難紅先生玉局若游戲人民城郭追遺蹤吾與石丈相往復那
知屯兆良嶽凶賓客無心白雲度滄桑到眼青苔封後人韓陵
差可匹太平諸老思元豐

題趙州和尚像

執術好自衒盜名豈能久達摩肇初祖文字獨噤口嗣分頓漸
宗繆爭龍象吼講師盛威儀戒壇競奔走語錄一家言掌書記
曰某未見花雨奇多冒矢楸醜趙州古尊者喫茶無可否津梁
行腳疲活火竹爐有佛至小低頭客來略拱手屯外蒼木雞塵
中謝芻狗只此足傳鐙桑門爲不朽它年謝城市誰結束林友

豫讓橋

昔賢論豫讓褒貶有次第後則爲英雄先則如狗彘我今特比
較狗彘非其例良臣必擇主相期道共濟去就本綽綽恩讎心
無繫若目爲英雄詎可以訓由自命僂國士殺身猶僂嬖一意
願綢繆兩心設盟誓不歿乃不休性命戕根蒂古來成事者出
手便精銳涂炭雜吞炭魂魄墟墓綴眞成私室怨不爭浩然氣
橋柱故巍巍煩冤高蒙翳孤劍哭聲長野花血痕麗殉義惜一
人青莽與同歎

襄子至橋馬驚使御者青莽視之則故人豫讓也青莽曰傷友不仁肯
主不義綢繆橋柱外惜哉青莽之名不多見焉

邯鄲呂仙祠

上欲窮九天下欲窮九原尻輪及神馬寢甄何飛翻庶歟本蚩
蚩憎寂而趨喧穢矢積金窖棺嬰高朱軒白日不富貴往往期
黃昏是眞爲賤士莫以招游魂神仙淡世故鍊氣心渾渾胡然
工刻畫一一揆塵樊我想可到者無不先我存鹿墮紀甲子鼠

穴通乾坤盧生受所弄伏枕忘朝飧言尋六癯掌占之夫何言

美里操

過文王美里而作

升彼崇臺以望天門天門高高虎豹司閭先人作室皇過之涯
小子不造顛覆實悲假靈祖考以永侯服皇天與予豈有私福
曰發能武曰旦能文兒哀爾父兒奉爾君

湯陰岳鄂王廟

南渡有君臣北還燕父子大將繫請室不應艸艸外生能將萬
人外只緣片紙功名委朝露涕淚漬野史隗順與施全肝蠻今
從祀

比干墓

異代褒忠禮數殊伏門慘外古時無直因血脈同先祖真以心
肝奉獨夫殷水到頭天欲竭沙邱行樂歲將徂三仁難易憑人

作聲宋與朝鮮有一隅

唐太宗封比干爲太師諡忠烈故曰異代褒忠也

汴梁詠古三首

曳杖江山看夕曛英雄豎子此閒分
座眞無用三千客椎必須持四十斤
地接敖倉同鬪武人來雪苑獨能文
長蛇東走餘清汴萬古恩讎付不聞

晉汴千戈戰血腥百季大盜不曾停
有兒誰及李亞子赤族空呼朱五經
屯亂神州爭敗局時危烽火暗繁星
高人幾個王官谷冷眼中條似畫屏

弟兄趙宋掌宗祧金匱盟言不久要
此媼黏塗傳受事老臣固結聖明朝
不因花萼疑光義可惜瓜田殺德昭
一度興亡成感喟政和天子極消搖

十六日次圃田

浦肯浦後水平坡潭水真如圓鏡多郡縣職方凡數改圖田經
注獨無訛殘鐘臥地山花咲白石橫橋沙雁過今夜月明秋色
好爲挑鐙穗鍊詩魔

鞏縣杜工部祠堂二首

公具孤忠苦論交特未精故人多將相若个樹功名敗亦憐房
瑄危幾似禍衡巫咸叫閭闔秋艸沒祠楹

妻孥常自累老至未還鄉羣盜如豺虎孤邨哭鳳皇朝廷空稷
契風雅報虞唐生理猶嫌拙無人築艸堂

王彌墓二首

王彌擅經訓蜚聲最少季陛下若愛老此子必不傳人生傻百
歲詫比金石堅初見頭毛白再少牙齒全造化諦視之亦猶嬰
孩焉君子疾沒世修短隨釣餌童齒而不殤所以追麟編如爲

瓜寧男迭外殊可憐

陸遜拒漢賊毒殺關侯羽天道乃好還後人不諳武亦以用兵
外文采膏鑽斧機雲入洛季翩翩羨簪組謀社鬼爲羣兄弟並
黃土譚經本糟粕曷德在祖父

虎牢關

皇天高冥冥水土作門關其上飛鷗鵬其下走龜鼈噫吁故虎
牢千仞積泥肩障此黃河口獨岸不摩滅汜水戰場開旌旗貫
虹蜺楚漢兩提戈得位僂人傑關甫劇受衝踐踏古凹凹白骨
多如麻青燐蕩於血那有古老人爲我細細說

白馬寺

古寺荒塞似墓門銅駝朱雀共銷魂暗中摸得顓碑字此是甫

朝劫火痕

有至順四年九月十五日碑

昨夜游白馬寺今日又戲顥一絕句

白馬馱經龍象分伽藍顥號最紛紛若推懷義開山祖應有金輪舊繡裙

北邙山歌

北邙山高千尺下有有名之卿相上有無主之松栢誰家會葬洛陽城羽葆旌旗好顏色奉敕書碑立不完邨牛馱到斜陽笛我悲陳外人亦悲未外人今日送君執紼行明朝亦著黃泉屐妻子季季上翁來桃花李花春風陌陌上春風幾度過逢人一唱薤露歌恩恩新婦又阿婆可憐白骨乾坤多軒天蓋地眞豪傑棺翼纏身可奈何

狄梁公祠

花無桃李賸空祠終始存唐此老奇豈爲淫威褻似屈不教心

事女嬃知功名無負婁師德社稷終還張柬之那道中興又昏
德濯龍門下立多時

夾馬營

天授真人信有之星文夜半異香奇典兵已是傳家久禪詔何
曾啟國遲一日黃袍吞幼主百季紅燭悞孤兒循環理數分明
見咲倒神仙策蹇時

次新安縣

縣城孤迥作重關天許青山四面看红柿人家沙路淨白楊風
色澗聲寒馬畱破驛糞成束人上荒臺月半丸一宿怱怱便將
去料無遺累到豬肝

扶病避雨稠桑驛感懷蔣孺人

雨雨風風太放顛難呼妙子十三季今朝病臥稠桑驛一穗鐙

花結寢緣

潼關有狼行二解

潼關有狼狼猛不可當奪人手中兒爲狼口中糧吁嗟乎狼亦有兒何不仁以自強
潼關有狼獵人弓箭如狼長三狼五狼跳入牆獵人斂臥糞竈旁明朝鞭朴喧公堂

紀信祠

一割鴻溝偃息戈將軍祠宇鬱巍哉帝王生歿從人借將相功名爲汝多此日刀礮非酷烈它年菹醢枉消摩白駒過隙誰長久算似燒身赴火蛾

郭汾陽故里

鹵華高高橫太空汾陽特起布衣中江山一手還眞主福命千

平讓令公處置華夷皆妥帖指揮奴隸盡英雄聖賢事業伊周
佐衛霍如何敢論功

新豐

故鄉幾個錦衣行垂老思歸卜築成時至能爲天下蒼運危拌
作一柶羹百家雞犬英雄宅萬歲粉榆故舊情置酒高歌聊送
日無將富貴負平生

灞橋二首

灞水滔滔未寂寥當時祖餞綠楊橋銷魂銷到無魂處請賦人
閒大小招
踈地垂楊破水痕
年來劫火亦燒根
不多老輩桓溫樹綠到江
南盡耳孫

和閨秀畢

汾

寒食弔鸚鵡詩

仙家羽化玉棺存贏得詩人到墓門三月白楊留小碣一匳紅
豆奠芳魂有生浩浩歸情劫終古茫茫付淚痕女伴踏青聞太
息落花堆裏共黃昏

諸竺莊秀才退學齋授詩圖二首

老輩傳經篋自攜巾箱多入畫中顓書郎吟韻清於玉長短鐙
檠半夜雞

疑似河東爲補亡羽陵小劫付滄桑屋梁壁柱求遺藁淒絕兒
時舊講堂

竺莊撰詩經釋地四卷皆本其先人指授

周生柳陰春射圖二首

習射春郊放眼明一季艸長樹嘒鷺楊花似雪皮球響正昃東
風著箭聲

頗有傳家劒履存艸堂拂拭舊巢痕甘蠅飛衛尋常技閒讀陰

符是將門

三原令崔君漫亭

龍見

及其室錢浣青

孟錕

夫人並工

詩詞頃夫人爲亡婦樂安君顯采芝養鶴圖遺照詞極清婉可誦漫亭又以雙縑寄贈作詩報謝三首

詠絮銘椒及令辰微雲夫婿鎮相親花光滿縣高千丈照見乾坤雙壁人

紙閣蘆簾老孟光一歸泉土路茫茫白頭未了青山約又彌新詞引恨長

今古人才幾轍材一縑一字用心裁輪君夫婦同功繭織出天吳紫鳳來

唐石經歌

漢室有五經蔡邕乃是書碑人鴻都諸士務雜學樂松江覽誰

超羣唐室有九經鄭覃乃是勸字人輔之張參唐元度各撰字
樣建諸太學門六書籀籀具結構偏旁點畫斐鮮新中郎古文
而今不可覲桓靈失德大盜移乾坤一經立一經倒易如轉磨
如翻盆吾爲細訪伽藍記中碑十八絕不知其上之天下之淵
或燒爲炭吹爲塵獨遺開成石壁在李花照耀千千春波磔縱
亞歐褚輩下視勒排描畫之迹不足呵兒孫用得成劍筆萬鈺
墨筆精墨妙光華有畫而無昏龍威丈人操局鏘螂蝦福地連
城闔堅閤甲子永不泐大雅好事按剔扶荆榛一一典籍荷古
聖賢訓父父而子子君君而臣臣讀其書者政刑禮樂無煩言
如何積牛李黨甘露變一時國事偏紛紜堯舜禹湯文武孔子
之道皆治法面牆可見小儒蟻蝨不敢以手捫書家義獻號鼻
祖彼哉碑版有其字非其文那能萬古供書紳吁嗟乎那能萬

古供書紳

長安陸尉

象掛

載酒同游城南薦福興龍慈恩三寺尋

樂游園故址望瀛文帝宣帝諸陵五首

關中累建都代謝一何急地上吹秦灰天下移瀛臘三山誤帝
王八水蕩墟邑宮殿幾時多一僧補敗衲祖宗皆英雄風雲起
呼吸子孫偶孱弱失墜到僕妾贏得憑弔人出門攜酒榼細柳
與新蒲那有古時葉

言訪白足游午鐘動古寺升梯驗舊款款曰明昌置

薦福寺鐵鐘識曰金明昌壬子

二月一日造

唐碑不可尋碑帽大德字

有碑帽額曰大唐三階大德碑

月季一丈花雜沓

獻幽婚巖桂倚敗垣枯瘠少生意得甄爲人憐失甄爲人棄寄
謝班上人不必關才智

秋風曲江曲雁塔高慈恩唐人杏花宴題詩於此存焚香禮進

士幾個好狀元不及杜布衣五字千秋尊我上三四桃腳勝亡
精魂龍象負空靈燕雀倒下翻輪殷開戶牖一簣升牆根所悲
塔下泥沈滅埋朝昏結構閱今古人壽痛難言

公主山池賦樂游舊可憐君王南山壽來往千萬年

二句本宋之問賦

秦

簫不可再騎鳳化彩煙樓臺散賓客帷帳空嬋娟一洗土木妖
漠漠禾黍連只有山頭月長照脂粉田

生肯掌萬乘外後樹孤壠不知幾萬人高高以土捧文宣漢賢
主野鬼共朝拱真成龍鳳姿同匿山頭孔赤眉黃巢禍處處發
陵翁野火燒官闕白日出金永枯骨亂麻輕寶貨不貲重跋緇
楊王孫裸葬得無恐

滴水

靜對石梁坐閒吟義鵲詩野樵歸路迴沿地墮松枝

終南山

終南古捷徑誰有舊田廬
咲然陶宏景山中奉詔書

指神放也

綠澄軒聽王山人彈琴二首

平生欲洗箏琶耳玉軫金徽取次彈
落落七絃行大蜚滿堂鐙

燭夜光寒

雙琴劫火燒難盡

一松雪翁琴一誠意伯琴

蛇腹牛毛辨斷文收拾廿季瑣碎

事欲將腸肺付桐君

顧五家詩後三首

五家者鎮洋畢沅江寧嚴長明崑山諸毳器徐德諒及子也

尚書

沈歸愚先生

總憲

金檜門先生

並山邱風雅江南失舊游
畱得鐙前三五

子誤人好句白人頭

同時蔣

士趙翼

亦詩豪格律非偷各自高
近日與誰吟石鼎蒼

蠅小竅最悲號

周情孔思眼中無農部孔繼風流博雅儒添个王郎友亮詩筆健
何季風雨約蓴鱸

驪山詠古二首

秦始皇墓

征誅揖讓古無同法術刑名咲此公三代變來爲郡縣六經燒
盡出英雄李斯空與沙邱事徐市全無海上功那得劍閒機弩
在人魚油渴長蒿蓬

華清宮故址

避暑華清不蚤朝風煙繡嶺碧迢迢阿嬈脂粉開宮鏡丞相旌
旗貫斗杓得賜金錢陪夜宴且吹玉笛度山腰姚崇宋璟難重
見諫疏分明最寂寥

飲溫泉上三首

壽邸驚傳絕世姿承恩阿鴈記當時百季禍水流難盡料到宮
中看洗兒

繡嶺季季長古松松釵石鏡伴淙淙不成波浪溝頭急滿地霜
菰野饒濃

多勞地主啟長筵紅燭璫瑜著酒顛行到沿山亭子上銀蟾如
照玉環暝

謁嶽廟升萬壽閣望嶽

萬物鑄形賦巨細長養負荷皇天慈生殺嬪運無外迕素金掌
令備四時芳華絢茂入拏歛以葆精魄堅毛皮圭裳寵錫奠鹵
極帝曰汝嶽鎮於斯朱門月陞洞百尺靈宮趨禱高祠基牲璧
祭告百王法車輦宿衛三公儀壁柱青碧盡鬼獸栢蛟風雨翻
神帷古人失業病孤憤噴喝土木殃靈祇那見王佐寄映畝欲

煩神鬼相扶持修德爲譖強積累富貴在天非我欺譬之神之位封內聰明正直祛偏私興雲出雨不奉職亦必崩陷遭顛墜載升傑閣瞰霄溼嶽容紫秀非常姿玉女洗頭髻隱隱明星吐燄光離離下土庶民翳矇瞽投眼難貫山之屢安得仙人九節杖扶我絕頂爲娛戲蓮花蓮實飽咀噉折枝蓮葉當空騎

。秦王挂甲樹

劫火燒殘半外生李花家屯舊崢嶸奇於季少軒天地待得功高壓弟兄苔蘚暗沈金瑣色風雲常繞鼓鼙聲昭陵六馬多零亂算歎枯枝盡不成

謁濟瀆廟

四瀆坤輿厚神功重伏流地連王屋險波接孟門秋日月天中影魚龍殿下溝發源爲沈水列祀祖圖丘萬禩圖經在中原拱

衛周朱門森陞城粉壁畫旗旂鱗族羣趨拜天人秀冕旒氣將
升絕壑冷益逼靈湫云有傳書者曾來破石不貨郎李繼安有玉皇授書令破石救濟濟神行
雨之事昔賢傳幣舫古祭卜沈浮一一精誠感召昭鬼物幽山川
隆佐命雲霧迅遐陬下土滋阡陌皇天富九疇多逢清宴垂秩
禮媿諸侯

臨洛關

榭葉辭枝見驛樓百家煙火女牆頭小山亦壯中原瓴野水眞
成萬古流羈旅斷蓬如宿雁太平吹笛遇耕牛便當取酒叢臺
下一醉高歌擬卽休

重過圓津庵十五季角與金檜門先生同游賦詩於此
顧詩重拂剡溪藤載酒清游向日曾野火不燒紅葉寺殘碁相
對白頭僧人閒甲子飄如絮垂上功名薄若冰淚滿山阿成獨

往仲先猶裏舊行勝

魚鰓戲作

江鄉我是老漁師
芟刺旋教齒豁知
消遣人生緣細事
此中一半孟郊詩

附王友亮詩題南海鹵征二集後

留蟠太華雲筆卷南溟
水高才本天授江山助
迭爾君顧性好之登涉
窮萬里峯頭齒間青海
窟珊瑚紫挽緼不得上
搜網不能起如何君一
過齊來奔腕底我疑君
所操非復管城子
熊驅山鏗繹繹射潮矢
千季驚鷺生七日混沌
外計詩積三卷一一臚
眾美我非解詩者亦歎
觀止矣殷勤乞借鈔
定貴洛陽紙

竹葉庵文集卷三